

詩 記 序

梧峯年集三

梧峯先生文集目錄

卷五

龜堂漫錄

龜庄卜居

次梅月軒清平山韻

贈季源上人

次權石洲韓林居十五詠

改觀心作

家豚次李敬亭聞皇帝訃音述感韻

示我仍和其韻

效八音體

效建除體

有感

聞而壯還及滿浦喜而有述

次陸放翁

夜臥遣閑效漢雅體

再用梅月韻

柳生贈烏竹杖

無題

聞而壯滯箕城有述

送寬甫迎而壯于洛下

重九日無聊寄懷

記歎

聞中興後 新闢成壯於舊制願一望

見以伸燕賀而身病蹉跎退伏丘園

瞻想感歎之餘聊以述懷用杜韻

遣憤次杜律諸將韻

次杜律

夢中過伽偈山秋光淒爽山勢料峭思

孤雲南冥沈吟久之

地主書至邀會雲谷全新寧性之昨往
花山歸路約來與寬甫偕往參話還
後聊以記事

詠菊黃紫二色

次蒼石贈柳進士李華珍韻

蒼石演絕句爲長律仍次其韻

外家舊有蓮池荒廢累年每惜之宗孫
朴俊疏鑿畫堂修構草堂于池上止仍

次諸作述吾感愴之情使朴君更加

勉強焉

又長律

輓權長髮希舜

輓權舍人叔節旣

次寬甫絕句

無題

輓金道源

浦

辛酉春遇崔季昇

現

于龜山話及己丑年

洋宮同接之事因感而賦之

輓老婢

輓僚友

次 次 方 次 吟 次 次 間 召 權

次 次 方 次 吟 次 次 間 召 權

擔送本家後愴然書之

抵趙景行遵道家是夜風惡且雨與大而

諸公及李秀卿李上舍公直對話偶詠

過孔谷有感

兵使姓朴恃勢驕橫貪虐無狀止邦紀解

弛誅惡無期慨歎之餘信筆書之

踏青日述懷

述懷

聞洞內後生招要舍弟豚兒爲踏青會

適於杜詩有和江陵宋大少府詩有

老夫今始知之句老境事古今一也
感而書之

聞黃河清其信歟若然天下之幸也

東谷避地託孫君濟世氏為鄰孫好鷹
獵乃少年舊伴也

次天雲韻

排澗

記憤

三月十日寬甫見訪乘昏共往龜池任
家路中明月皎皎過溪村煙花依稀

老夫於此興復不淺

奉送許明府偁上洛

送琴彥慎僕令公赴任昌原

漁梁

聞天使有述止厥後寬甫以其韻作詩

八章示余因次綴四篇

偶吟

聞王參政領舟師二萬到鴨綠江欲同本
國守義州止於是遣王公之舉措而慮
廟謨之難斷偶詠其事

偶述

抱琴戲述

輓金處士內室蔣氏

輓李忠義

輓李宅安民字

漫興

撥憫

聞西使兩行海路相繼不幸

遣憤

輓金察訪春龍

辛酉七月二十八日逢火盜家舍半火
書冊五百餘卷為灰燼侍婢傷者六
人幸無死亡

又二首

無眠吟

遣憤

感古

傷今

遼陽歌

偶吟

疊波字韻

南陽隴上懷諸葛公次人韻

漫述

村況

孫兒戀母甚苦仍憶吾兄弟喪母時伯

九歲仲八歲妹五歲季四歲未妹生

十月當時哀哀之狀惱我先考心如

何哀慟之至揮淚而書

輓柳君 戊春

李義立自京來傳天兵與奴賊戰快捷奴

賊捲歸遼東恢復此說若然天下之福也信疑交惱聊述雜體以寄望誠之意

次唐詩凱歌

鄉執綱三員持酒來饋庠堂將有講信之會也有感述此擬謝

苦寒下雨怪而書之

風寒

漫興

輓申鳳鳴

卷六

記

遊清涼山錄

月影臺記

序

檜山雜詠序

梧峯先生文集卷五

龜堂漫錄

按戊午自檜山遷還仍間居龜庄

龜庄卜居

新卜龜庄一畝寬平臨碧澗背蒼巖力耕且足
供飢飽小搆聊堪度暑寒移竹兼梅存宿契喚
鷗和鷺託同歡從今老矣無餘事不信人間道
路難

次梅月軒清平山韻

清平山下曳麻衣路轉松梢映夕暉風磔飛流
鳴玉珮煙嵐疊嶂擁羅幃諸天日月除人世羣

帝樓臺隱翠微從此棲霞吾欲老白雲青鶴倘
無違

贈季源上人

爲問師君何處山不言不答却心閒夕陽踏破
青山影一片白雲相與還

二

法相清癯臥碧山一窻贏得百年閒儂今謝却
人間事欲向琳宮問大還

三

聞說師遊楓嶽山天花滿地玉臺閒歸來說與

人間子直欲從師去不還

次權石洲

韞

林居十五詠

流盡寒澌澗水清禽聲初暖漸和鳴一庭山雨
東風裏滿地微微細草生

右早春

東風欲盡野人家青草池喧雨後蛙梁燕似憐
春事去繞庭飛蹴落來花

右暮春

野光山色媚新晴團碧園林子已成吹引微涼
供一枕粟花香動午風聲

右初夏

清霜木落露層巒一夜西風滿地寒惟有墻頭
千歲木慣經寒暑也無關

右秋聲

楓葉蕭蕭滿釣磯
朔風吹緊凍雲飛
關河凍死勤王士
不管山翁未授衣

右冬初

望望南阡穀雨來
田疇龜坼漲塵埃
舊時行雨人何處
萬里神驄去不迴

右憫旱

茫茫九萬老天長
禁裏應燒一炷香
驚起四鄰爭拍手
曉來江水看汪汪

右喜雨

閒中觀物感幽人
百變東風日日新
衮衮天機流不息
碧挑紅杏自爭春

右感物

蕭然茅屋面蒼溪
人與野禽相對棲
倚枕北窻人鼾睡
野禽多事往來啼

右無爲

洋洋一氣往來中天意無私物自融
綠草滿庭
春雨後濂翁千載有誰同
右觀物

石磧玲瓏面亭對簷簪笏暮山青
繩牀臥穩
松風裏涼滿衣巾酒易醒
右溪亭

青山屏障白雲焚溪水聲中晝掩門
獨往邇來
無限意逢人有問我無言
右獨樂

丹田赤室本來空至理虛通逐處融
要喚主翁
常在此管求雞犬放收中
右觀心

人間有事未應忘只要存存一味長
無限寬閒
好田地眼前無物不天香
右存養

風日淒淒野圃荒
秋天霜落損羣芳
露葵憔悴
傾殘日花葉蕭疎
大半黃
右秋葵

改觀心作

赤室丹田本不空
中涵萬理自昭融
觀心還是
忘心法要喚惺惺
在此中

家豚次李敬亭聞
皇帝訃音述感韻示

我仍和其韻

按庚申
宗皇帝昇
明神

於皇 聖德法乾強
五十年間萬國康
一統王
正來遠邇九疇皇
極備柔剛文章遠
邁周家盛
勲業何論漢道昌
環海煦濡聯鼓舞
偏邦眷顧

重存亡恩滿羞累曾難報功濟艱危更未量灰
燼宗祊蒙汎掃腥膻父老飲馨香風霆遠拓猊
狼窟藩翰重恢日月光庶勉朝宗期不後仍祈
壽富樂無央那知宵旰憂金虜忽報諒聞奉玉
箱天上星辰猶拱北物中葵藿亦知陽分區制
禮殊中夏食土含恩一遠方感痛如喪那可已
追惟沒世竟難忘瑤宮寶劍空湖水萬歲千秋
隔帝鄉陟降未應遺下土日監猶冀眷東疆

效八音體

金門昔待詔董馬相馳逐石渠考異同千古明

龜燭絲綸秉赤管
解笏乘青驄
竹符五馬榮金
章千石崇
苑瓜豈徒縣
聊且免寒飢
土牀溫且
安歸來歲
晏宜華帶與葛衣
隨分可逍遙
木天
昨夜夢夢覺還迢迢

效建除體

建功非素期
慷慨吾欲去
除盡天驕子
爲君清
我圍滿酌月
友頭痛飲白
龍堆平填
猛虎窟
玉關笳鼓迴
定非落落事
持此控伊誰
執鞭亦不
辱力牧
奈難追
破顏却長嘯
悠悠西北路
危腸
起突兀
酒危勉強
倒成敗
天不料
忠義人
宜勗

收攬熊羆賢綢繆備西北開元武德際萬姓安
如堵閉戶慎干楸豈容今再誤

有感

青宮昔日忝書筵天語如今在耳邊反覆死生
參軻訓丁寧稼穡貫周篇邦人共戴勳華聖野
容休稱廣受賢方寸戀 思無報路暮年心事
已蕭然

二

蓬萊宮闕敞瓊筵天上羣仙會日邊侍女周容
青玉案詞臣點檢白雲篇瑤池瑞露霑王母筐

籩金錢聘大賢瞻望極天惟鳥道滄江白髮老
居然

聞而壯還及滿浦喜而有述

不見李生久三年在虜園生還真夢寐死去報
伊誰香稻醪初熟鮮魚膾正肥何時相對飲償
此斷塊思

次陸放翁

衰年投笏臥田家園圃蕭條隱薜蘿柳線貫魚
邾莒小瓦盆盛酒聖賢多橫枝作架安瓜蔓插
竹爲闌護菊花薄暮倚筇山雨過得來佳句自

吟哦

夜臥遣閑效演雅體

蟋蟀吟秋月黑時北來鴻鴈近霜飛未堪蟻孔蝨
憑陵勢蝴蝶無情去不歸

再用梅月韻

梅月仙人解葉衣
名山頂上對秋暉
巖間石室茅君宅
洞裏煙蘿羽客幃
雲綴鶴棲藏葉密
苔斑鹿跡入林微
玉桃花落人何在
悵望鸞車咫尺違

柳生贈烏竹杖

柳叟贈來烏竹杖得之價重百碑礫晴含海霧
痕猶濕淨濯湘流影欲虛堤柳岸花春晚後東
郊西陌雨晴初穩扶居士閒來往不羨人間擁
駟車

無題

廣寒仙子御冰輪桂樹叢中奈苦辛旋向人間
求煖法木綿花煖日光新

二

援松當日號平居應爲貞心歲晏如若使青松
能照膽暮年心事恥相於

聞而壯滯箕城有述

故人曾陷虜萬死一歸來寸寸丹心苦
莖莖白髮頽人情爭下石天意獨憐材
明月箕城夜南天數鴈迴

二

與子平居倚丈夫國人歸咎欠捐軀
巡家子弟初疑許陵舌功名未啗蘇
聖主洪規恢落落諍臣高議守區區
何時野屋清秋夜坐月傾罇瀉鬱紆

三

明月南江落鴈多故人消息近還賒眼穿關外
三千里來及東籬未落花

送寬甫迎而壯于洛下

緣底淹留久聞還月再過影來鴻鴈峽鳴急鶴
鴝沙萬事蒼天在餘生白髮多連枝歸火急及
到有黃花

重九日無聊寄懷

一聲鴻鴈向南飛物色蕭條歲晏時楓岸丹青
遮澗葉菊花消息近簷枝病中未把三盃酒愁
裏空題九日詩佳節一年無好事客來還去掩

柴扉

記歎

日日心肝火絲絲鬢髮霜漸知前歲健仍覺此
生忙欲絕人間事思遊物外鄉家人休惱我筋
骨奈銷亡

二

每羨鄰家叟貧居亦樂哉不營身外事惟覓眼
前杯氣力青春健糟糠白首諧連簷餘一紀未
有恙聲來

三

人生能幾許六十夢中迴日覺千愁集年添一
病來菊花何太晚節序自相催悄悄無嘉況還
停九日杯

聞中興後 新闕成莊於舊制願一望見
以伸燕賀而身病蹉跎退伏丘園瞻想感
歎之餘聊以述懷用杜韻

勝敗兵家一局慕那時荆棘國人悲謳歌舊屬
殷憂際象魏新瞻再造時雲外瓊樓天極迴日
邊金掌露華遲孤臣白髮滄洲暮采采芴花無
限思

二

萬丈秋光白嶽山回瞻紫極五雲間山河秀氣
扶三闕日月明輝洞九關鳳曆延綿無限歲天
威咫尺不違顏誰知嶺外三更夢飛入清朝振
鷺班

三

聖王來相澗瀍頭佳氣葱葱一萬秋楚室倚桐
今日事洛陽灰燼異時愁雲霄逸翰聯丹鳳滄
海扁舟伴白鷗搖落清秋最蕭瑟獨憑脩竹望
西州

四

涓埃無路答天功
耿耿孤懷寤寐中
萬里星河環北斗
五更鴻鴈送西風
霜添鬢髮千莖白
雲迴蓬萊一朵紅
只願金甌無滲漏
太平煙火屬

田翁

五

羣仙羽蓋列逶迤
紫院香風蕙草陂
王母獻桃千歲核
靈娥抱桂萬年枝
香煙飄入朝衣散
日色低臨扇影移
鵬路舊搏風積厚
九天騰翮正雲垂

遣憤次杜律諸將韻

鐵衛將軍虎在山將軍一去棄榆關釀成巨孽
媒天下販賣虛名誤世間沙塞清秋胡馬健轅
門白日漢師間莫令關外猿蟲地再被天驕恣
解顏李成梁為將五十餘年建奴不敢肆成梁
去後代非其人釀成其禍久矣往日變作
司命及總領皆虛名無實用取敗非異方今胡
兵再動似有示弱挑戰之狀恐戎虜躡前車轍
爾故云

二

往日胡來血滿城將軍輕出折干旌千秋異域
黃沙鬼一視吾皇赤子兵金氣稜稜吹肅殺

妖氛豁豁卷澄清餘生且可延溝壑雷雨行春
見太平

三

千門立馬候邊烽日日安危惱九重地上未傳
黃石教鍾南頻下紫泥封玉師虛老三年戍財
力全疲萬里供殲賊未應期歲月願聞充國事
邊農

四

青雲躍馬儘風標顛沛時來膽欲消關塞風沙
揚獵獵廟廊時月度寥寥唐家白戶皆光祿漢

室黃門盡戴貂萬事如今身老矣可憐無補
聖明朝

五

清宵北望鴈聲來
瀾瀾西風不禁哀
迢遞蓬萊連漢閣
飄飄萍梗隔燕臺
伏波身老能披甲
犀首閒多但把杯
欲疏萬言還自止
聖朝恢網獵賢材

次杜律

天門待詔漏聲長
輦路微分曙色蒼
環闕羽林嚴宿衛
滿廷冠珮盛文章
霞觴賜醉天廚釀
露

桂分霏月殿香躍馬青春三十伴至今何以答

明王

二

蓬萊殿下拜 龍袍玉母西來獻碧桃華月夜
臨金掌迴五雲朝擁玉樓高勳班錫宴醺霑骨
藝苑分香散入毫舊事變來堪墮淚老臣頭鬢
盡霜毛

三

禁省稀聞午漏籌冰漿瓊椀冷思表諫臣袖草
翔丹極學士開筵昵玉梳盤貯賜柑香颯颯罇

傾宣醞碧浮浮當時猥忝名班後江海如今白
盡頭

四

霜華輕夏佩聲寒晰晰庭燎夜未闌銀甲映班
森林虎衛銅壺傳漏走雲官香飄仙筆煙猶濕霜
暈宮袍影未乾誰信當時驄馬客暮年揮淚路

歧難

五

蒼龍闕角晨燬上宮樹參差影旆旗青瑣點班
聯劔佩黃麻草詔降綸絲空中簫鼓龍吟夜禁

裏煙花鳳舞時江海如今勞夢想白頭吟望路
逶遲

六

九天端拱但衣垂鵝鷺趨蹌整羽儀御苑春深
花影重蓮池日轉柳陰移 君王樂事宮中秘
卿相賢名海外知三十年來如昨日夢迴煙樹
碧差池

夢中過伽倻山秋光淒爽山勢料峭思孤
雲南冥沈吟久之

萬丈伽倻秋色高霜風吹葉響刀刀輕霞細霧

光輝薄峭壁奇巖氣勢豪
昔暗洞仙題字石草
生山叟倚雲臯昔人不見
青山在山自無心人
自勞

地主書至邀會雲谷全新
寧性之昨往花
山歸路約來與寬甫併往
參話還後聊以
記事

官星投贈使君書昨過新
寧太守車歸路定來
雲谷寺吟鞍追及敬亭驢
楓林映入蒼溪遼星
月清銜古閣虛一夜金沙
無限地半生蕉蔓荷
耘鋤

二

弱歲遊棲地如今問劫灰僧年松等老客髮雪
渾顏遠壑風聲起虛庭月色來三更枕上話回
首意悠哉

三

蕭寺傾鳧鳥林廬起鹿爰聊憑雲外枕相送月
中危聚散還驚夢閒忙各問歧遙知人散後孤
睡老禪師

四

追隨句漏令喚起隴西仙山果披霜滑溪鱗切

玉鮮彈幕無限笑推枕五更眠好事一相散寺
門還杳然

詠菊黃紫二色

歲晏山中一逕開徧求多品廣栽培團團向月
黃金壓淡淡低煙紫玉堆南楚放臣餐欲飽東
籬處士撥頻來霜天木落山如掃耽看芳華日
幾迴

次蒼石贈柳進士季華

診號
修庵韻

湖上閭閻柳下庄渴思瓊樹幾迴腸漢庭欲死
侏儒飽誰向窮山問子桑

蒼石演絕句爲長律仍次其韻

詩禮賢名壓老蒼風流那更數山王敬同桑梓
鳴琴地擇近芝蘭置驛處山水發揮新面目州
閭傾倒古心腸傳家一字安爲樂宰臥名區度
百霜

二

曾仰高山萬丈蒼柱天勳業配 明王尚無小
陸三間屋安有平泉十畝庄開鼎丹丘宜絕粒
採芝商嶺可充腸孤松付與心中事歲晏貞姿
飽雪霜

三

隱映林廬野色蒼林頭黃卷對皇王他年葛令
尋丹地今日劉郎貯墨庄邑尚絃歌忘羈旅人
多惠好慰肝腸何須官貴施行馬畱取清標凜
似霜

外家舊有蓮池荒廢累年每惜之宗孫朴
俊疏鑿重修構草堂于池上時夜將半雨
晴月出俯臨鏡面甚覺清爽逍遙不寐至
于雞三鳴乃已余甚幸朴君保守舊宅使
吾瞻感之地不就荒蕪也仍次諸作述吾

感愴之情使朴君更加勉強焉

階下方池清且深
霽天明月印波心
先入舊宅諸孫會
物物關情異古今

二

重拓池臺物色新
清宵起坐暗傷神
筭來五十年前事
當日兒郎已老人

又長律

清池過雨洗埃塵
茅棟蕭然卽甚真
爲泛忘憂多種菊
能知醫俗遠移筠
當時桑梓懷先祖
此日箕裘屬後人
起坐五更仍不寐
菱花鏡裏轉

水輪

輓權長壽希靈

虛老家居為有親要將寸草報三春誅成定說
君為存無限人間絕袖人

輓權舍人叔節旣

忽覺吾徒樂事休眼前零落舊交遊春坊談笑
渾如昨浴社悲歡乍隔秋黃壤卽今埋玉樹絳
霄何處起瓊樓莫將存歿論君牧人世餘生已
白頭

次寬甫絕句

山翁見客對者基客去山翁欲睡時
盪起一窻雷白晝絕勝辛苦改新詩

二

綠樹青山舊日如繞簷林樹影扶疎
年來漸覺身無事不管牀頭散古書

三

山中奇事靜中新得句題來覺有神
方信宦情灰已冷久無魂夢入紅塵

無題

世人愛金銀山翁愛糞土何以愛金銀
富貴坐

可賭何以愛糞土稼穡實多苦山翁鼓腹臥雖
苦無敢侮世人屏息行雖樂亦何補畢竟忘得
失歸問無是叟

輓金道源

通號雲川

二十韻

鶴峯門戶有斯人映世清標迥出塵鷓路通衢
登吉士龍門峻級引嘉賓羽儀翰局臨華蓋風
裁薇垣動紫宸點檢白雲芸閣夜翩翩青瑣玉
墀春星宮饜飮霑霞液瀛館優游嚙玉津銓部
佐論清藻鑑籌筵參畫密經綸繡衣西下風霜
肅蓮幕南來組練新著腳塵埃夷險定藏身甕

盜性情真劬勞閱世看翻覆真率忘懷任屈伸
五郡行藏身帶鶴分曹歲月鬢添銀老成屬望
頻虛席新貴登場漸積薪嘉兆往符蕭宅相幽
貞還卜謝庭鄰功名落拓恬隨遇生理蕭條恥
道貧曾信神明扶愷悌却令仁哲抱酸辛忍思
鸞鵠聯翩日重悼叢蘭鼎茂辰憂患迭尋從白
髮杳茫難問奈蒼旻芳年獲忝詩書好晚節相
依氣味親慶吊闕如傷老病幽明已矣阻風神
愍孫堪託箕裘在達士應齊壽夭均歸臥青山
還好事餘生末路謾霑巾

辛酉春遇崔季昇現于龜山話及己丑年

洋宮同接之事因感而賦之

待詔同遊壁水春聯翩先後薦嘉賓將軍事業
渾如掃學士文章最有神可念二公罹罪謫曾
班三署慰沈淪同歸白首他何說無恙如今幸

四人時譏增廣舉崔季昇與僕計偕上洛南汝

科三君不利厥後相繼登揚季昇文才最優而
最後焉今僕作散季昇被削偉夫錄禁府汝容
謫湖州昇沈無常人事變遷令人不得感然
至今三十三年我四人各保性命況俱以嶺外
鄉生特蒙聖恩皆經臺省季昇歷三司豈非
幸與不幸各有其數嗟僕以不才居先文才如
季昇者後而僕則衰甚季昇頗健故為季昇以
大器晚成待之不知有力者處分終如何季昇

又偉夫皆無妄措汝容自取
又作一律以抒未盡之意

橋門東畔舊同行屈指如今三十齡
點額龍門流輩聳乘驄烏府國人榮
園中花早驚先萎澗畔松遲待晚成
可惜南州淪謫客失羣何事落深坑
災厄之來有係於天有係於人者
吾無如何係於人者人可慎而避之
汝容急於仕進自蹈禍機惜哉僕與
季昇嘗戒其妄行汝容不念友生忠告
之情出處行止與僕等岐而二之至有
今日不知汝容今日能記得否

輓老婢

婢妻家三代舊役嘗從我于洛邸
有勞愛二兒如己兒至死不己事

主家盡誠渠無子女託于主家年八
十六而死生無養死無葬甚可憐也

嘗聞天於人爲善則福之善者未必福斯言還

可疑婢也三代舊積勞子門闈歷事心如一眷
眷終不移我昔初筮仕衆婢憚遠隨婢也撥家
事黽勉赴京師酒食務稱意旅舍忘寒飢喜我
有子女撫養如己兒劬勞莫成立於爾有何裨
苟有利主家不惜剜膚肌其待親戚也欲使盡
權怡其待賓客也欲使無欠虧鄉黨及閭里無
不赤心推大小世上人如爾心者稀況數賤奴
隸更僕又伊誰天何使爾身惇獨老無依一女
棄而去憫默未相違衰病託主家沈綿形體羸
主家雖纒縷群僮奈相欺惻怛亦徒爾爾死良

可悲蒼蒼香難詰胡令至於斯生寄而死歸君
救無是非有子亦無子身後安足知青山是樂
地歸臥卽瑤池王母招與遊八極行無涯人間
爲惡者下視如豚豨玉皇闕天堂格汝來棲遲
或者天福汝其意良在茲三萬數千日一夢何
戀爲薤歌起霜曉主家淚霑衣

輓僚友

長途萬里最先鞭步武駸駸自妙年直指風稜
驄馬使激揚音韻玉堂賢人間翻覆千歧別歲
晏行藏百里偏何處青山埋玉樹白頭題輓淚

如泉

二

故人消息裂心肝
九萬天高欲叫難
鳳穴有雛毛羽短
龍門無客戶庭寒
新營棟宇依江濶
舊賞圖書掛壁殘
衰病未能隨執紼
洛江西望祇長嘆

三

早逐元方識季方
當時爭道白眉良
清朝文彩登瑚璉
末路貞心保雪霜
忍訣人間違鶴髮
難尋地下掩龍章
素車白馬千秋事
慙到如今說

范張

次湖陰

蘇公

庚申日作

儂

胡老年

六十年

作而

故未
句云

歲月居然節序頻
今宵又報是庚申
人間不問身歸寄
天上那知事
鷹真真聊逐歡
娛寬暮境且拚醕
酌壓諸神詠
來湖律偏多感
老子明年六十春

次晚晴韻

一旬苦霪雨
今朝喜見日
聊憑木上座
岸頭行步逸
晴天林木麗
葉颺微風力
澗水鳴潺湲
潏瑞

琴弄音律興盡還喟然天意杳難詰昨暮滿空
雲蒼狗狂走密麥熟漂大流民生活無術夜來
積陰掃神功何其疾天公終老手造化寧有跡
尚看稻苗盛不須長戚戚努力事耘耔庶免憂
晨夕

方臺亭次李叔平韻

曾御飄輪閬苑風昔年遊賞夢魂中幸存棟宇
裝成好苦欠詩章粉飾工簷簷石厓陰上鶴標
浮霄漢影分虹樓居羽客邀相過應賦歸來喚
此翁

次朴子龍江衢韻

人地相逢勝轉增高亭物色儘涵澄子安再起
吟應老摩詰重迴畫未能松桂爽來山回面嵐
霞清落壁層層東風吹引煙花興早晚飛筇借
一登

吟雪

天公大笑億千場戲散瓊花落地忙衆鶴蹢躅
騰汗漫羣娥飄忽舞顛狂短筇行失青苔路高
枕眠迴白玉堂試把諸家閒點檢古人誰是盡
鋪張

二

富貴繁華幻一場兒童晨起走相忙漫天滾滾
龍蛇戲入院翩翩蛺蝶狂瓊樹銀花豪士窟落
梅飛絮野人堂中宵魂夢披閭闔白帝行天羽
衛張

次金進士丈山洞止水亭韻

倚壁飛簷架壑椽高樓縹緲望如仙感深霜露
忘無日築近松楸卜有年晴嶂鶴過屏裏地短
橋人渡鏡中天遙知宴坐無多事啼鳥聲中閉
戶眠

二

鋪張那得筆如椽作記甄亭續老仙初為羹墻
憑永世又將書史度餘年寒生松籟風來壑清
動漣漪月在天佳境漸知機事少鶴來相對一
窻眠

次契會韻

龍嶽年年上巳筵列僊咸集御冷然清漣浪貯
菱花鏡漱豔觥搖竹葉船松桂陰中聯步縹天
雲影裏真吟肩買山願側芳塵畔乞得何人百
萬錢

二

自別師門講禮筵過庭眉宇阻悠然區區笑我
千金筭落落驚人萬斛船亭為望思華揭額事
因修稊力盛磨肩東風重引登臨興一辨應須掛
杖錢

閒居卽事

野外日初入虛堂向寂寥村煙生裊裊林鳥語
蕭蕭秣任頽僮懶餐從小女驕草玄亦多事閉
戶更誰嘲

二

老子忘機日，驕兒學語時。
耽看颺絲袖，那禁挽
霜髭。牀畔全拋卷，林間每掩扉。
憐渠無意緒，一飽便知嬉。

召文途中

冰泮川流颺碧瀾，信鞭羸馬日斜鞍。
嫩楊鞞地浮春氣，殘雪棲山帶臘寒。
慣熟天機鴻鴈迹，艱難人事路歧曼。
溪山政好無佳句，頓覺吾懷不自安。

權君翊室人從兄弟適來過病六日不教
擔送本家後愴然書之

買地芳鄰宿有期山中歲晏可相依衡門繫馬
逢迎罷罇弩驚蛇覺悟遲楊宅分區入不在許
牀問舍計還非青山何處開新兆東望傷心淚
滿衣曾與權君約連居買地於家傍爲卜築計
今失此君殊甚索寞發引日宿孔谷村是
雨夜

抵趙景行遵道家是夜風惡且雨與大而

諸公及李秀卿李上舍公直對話偶詠

寧飄掀屋雨穿窻一炷光搖半壁缸坐到夜深
人不寐響簷簷殘霽落雙雙

過孔谷有感

昔在壬辰歲先君避島夷挈
家來寓店入青同家今來問

其主人
亡矣

林深洞邃屋茅茨曾奉庭闈避島夷今日孤兒
無限淚舊家無處主人非

兵使姓朴恃勢驕橫貪虐無狀鄉員軍正
馱屍絡繹列郡軍丁合境流散邦紀解弛
誅惡無期慨歎之餘信筆書之

今之節度古連帥推轂闔外凶門鑿君命不行
任專制三軍生死在掌握所以古者重其選文
武亞卿相參錯今之爲政何錯迤南路杖鉞多
獐虐形如土木誰家子老而不死其姓朴旣無

知識與廉恥又無材勇與籌略但據門戶相攀
援腰間大綬何若若細柳營中颺大旆束輪繡
轂青幢幕宏樓邃閣坐潭潭燭下提筆何齷齪
軍民膏血浚無餘狗噬狼吞鷲鳥攫大棍杖頭
練布來日夜庭中聲椽椽賣田賣舍盡歸輸積
之萃律如山獄田舍盡後赤身走但見荒村飛
鳥雀荷戈無人是誰使煩屑里閭駭老弱當虎
不前豈人罪歸咎州縣生風雹視人性命如鹿
茸白日信然閃齷齪鄉員軍正亦何辜鬼哭啾
啾爭跳躍孤兒寡婦不敢訴冤氣上徹蒼穹薄

自言吾家勢焰盛靈靈之外無可怕方向唯唯
但俯首肯饒臺官舌諤諤造物何心生造物叫
天九萬還漠漠神誅鬼戮苦太達有醜顏面無
慚忤縱使早晚磔爾肉無賴萬骨填丘壑夢登
閻闔訴上帝上帝惻怛賜然諾跪余敷衽陳一
二臯陶在傍閻錯愕帝謂臯陶汝往哉老奸罪
孽良自作明將天討往加之分其首領縣東郭
招招衆冤上天堂大開廣庭雲霧樂慰爾無告
來歡娛下視老奸登鼎鑊臯陶稽首下天來雲
師風伯咸騰蹕雷斤電斧揮八極躡躑去向東

溟角東溟了了在眼中也

踏青日述懷

兒報今朝是踏青老夫何
渾無賴歸燕呢喃底有聲
呼慍見僕憂耕欲隨年水
髮明

述懷

壯士功名晚危途歲月忙
莖霜伏櫪蘭蹄踈巡講劍
用費心腸

溟角東溟了了在眼中也

踏青日

兒報今朝是
渾無賴歸燕
呼慍見僕憂
髮明

述懷

壯士功名晚
莖霜伏櫪蘭
用費心腸

聞洞內後生招要會弟豚兒為踏青會適
於杜詩有和江陵宋少府詩有老夫今
始知之句老境事古今一也感而書之

聞設踏青佳節會不教垂白老夫知和風颺柳
輕輕線煖日燃花閃閃輝沂上浴歸今日是山
陰修契古人為空吟老杜江陵句衰境從來樂
事稀

聞黃河清其信歟若然天下之幸也

生聖休期可盛時河清之說喜聞之淨如羅綺
舍空碧青似玻瓈絕點疵呈露鮫龍魚鱉宅森

羅日月斗牛輝從今四海風波息丘壑餘生儻
死遲

東谷避地託孫君濟世氏為鄰孫好鷹獵
乃少年舊伴也

避地為令計連塙託舊知居添山水好種又稻
梁宜白首身堪老青雲路已違臂鷹相逐踏不
管世安危

次天雲韻

四序成功我已秋白頭來欲問丹丘高臺望處
遠登眺小屋成來許宿留溪水遠分桃菊浪雲

山渾似禱羅浮時清猶有茹芝老何況煙塵遍

八區洞人多壽故使菊水桃源事方與主人為避地相從之計

二

花柳三春楓葉秋眼明巖壑宅南丘藏修有計
君應孰登眺無遑客未留風颺水紋吹細細雨
霑山翠落浮浮小亭營構平生臥除却瀛洲是
別區

排闥

將詩欲排闥懶不受詩排費力區區盡綠愁
袞來生憎飛絮亂不管好花頽只是差強意神

交麴秀才

記憤

天時人事定如何
大地橫流未有涯
關嶺喧傳
正事急將雪如虎殺人多

三月十日寬甫見訪
乘昏共往龜池任家
路中明月皎皎過溪村
煙花依稀老夫於
此興復不淺

黃昏相逐來沙渚
踏明月襜映煙花村
依稀山水窟

奉送許明府個上洛

鳧鷖翩翩向洛天使君高義軼前賢潯陽已道
開三逕河內那容借一年邊徼事多財賦重庖
牙令急簡書連殘城無賴仁侯去不禁東風涕
泗漣

二

得歸茅屋好棲遲生理曾憑地主為別騎嘶連
芳草路離程望斷夕陽時桐鄉父老恩猶在錦
里逢迎事已非方擬未嘉為堡障一麾應復慰
相思

送琴彥慎棠令公赴任昌原

六年南郡佩符曾鷗鷺翩翩是舊朋想見海亭
春正好一筇遙憶故人登

漁梁

日夕漁梁坐看魚此心還與鷺相如如今未道
忘機盡只爲區區口腹於

聞 天使有述云此日登舟問海涯敢云
星使列僊槎滔滔江水分三島落落堪與
自一家文簞初平青雀舫春風欲老白楊
花請看館吏郊迎處壓眼旌旗爛彩霞寬
甫心頗少之遠接和章尤劣不足觀厥後

寬甫以其韻作詩八章示余其三擬呈本
行其二論古人詩家其一傷時其二自敘
因次綴四篇

一夜文星映海涯自天來下羽人槎清都環珮
傾華蓋盛漢文章出大家鼓角疊掀沙際浪旌
旄輕拂樹頭花東人拭眼填衢路縹緲仙標擁
紫霞

右次擬呈

誰掣鯨魚碧海涯區區諸子覓編槎江河寥落
陰何宅谿逕荒涼屈宋家爛熳吟牋披錦繡淋
漓醉墨灑煙花使君在座甘投筆席上先應賦

落霞

右次論詩

四海橫流未有涯
問津何處可乘槎
堯封民物埋胡窟
禹貢山川間帝家
萬事只堪傾竹葉
百年虛是對菱花
遙聞天上羣仙會
日日瓊樓醉

九霰

右次傷時

浮世人生本有涯
不管寒暑奈枯槎
來年歲取躬耕力
魚菜時資野老家
楚客謾勞吟橘樹
劉郎何復問桃花
詩筒落自同心子
錦段披來片

片霞

右次自敘

偶吟

舊入東華路浮沈計已非歸來成獨往牢落少
相知門掩莓苔長庭空鳥雀微安眠無外事從
此可忘機

二

經過稀少境添幽舊喜看書亦已休除却桑麻
禾黍外也無一事到心頭

聞王參政領舟師二萬到鴨綠江欲同本
國守義州時奴賊陷遼雄據遼薊參政以
孤軍深入斬奴使謀為要擊奴後若為官
軍犄角之勢其志壯且遠上國有人矣此

計如就其爲上國料事重矣第未知本國
利害如何亦未知事勢之可從與否竊思
之誠非放過之地於是躉王公之舉措而
慮廟謨之難斷偶詠其事

王公未知何狀人名傳海外何其壯東人拭目
盡回頭如聞羽人來天上楊公袁公相繼敗遼
天一隅煙塵漲豺虎滿地聲如雷壇漫山東無
堡障孤軍深入出萬死鴨綠波上青雀舫羽書
飛來登下國百萬胡兵膽已喪不知廟筭出
何場事有至難宜勉強此時謀國問何入安危

成敗憑賢相

偶述

萬事墜除慰此翁清時有味最踈慵年光易老
何嫌老世路難容不願容吟倚短筇山影裏夢
迴高枕雨聲中興來膝上玄琴在思入煙霞翠
幾重

抱琴戲述

青歲性偏耽看奕白頭才盡強吟詩元無伎倆
還多事又把玄琴試弄之

輓金處士內室蔣氏

自得賢孤託弟兄
飽聞貞德範
家庭鸞孤鏡裏
悲青歲
雛弄堂前
慰暮齡
大樹高風欺孝子
白楊寒月閉佳城
尚看蘭茁諸孫盛
天報應須餉後生

輓李忠義

憤聽風儀長老班
何嫌杖履久曾攀
衣冠鐵郡名家後
歲月岫溪樂土間
浮世易驚駒過隙
冥途還報虎棲山
猶將後事憑瓊樹
門戶應須慶未闌

輓李宅安民家

鄉舊凋零眼底稀
今君又與世長辭
門庭舊樂人常羨
琴瑟新懽事已非
無復草堂來把酒
憶曾山寺坐彈棋
儒宮藥院殫心力
畱寄鄉人異日思

二

長我五年身尚健
起居常似弱冠時
每嫌竹馬過從罕
何意盃蛇覺悟遲
飛急鴿原千里恨
影孤鸞鏡百年悲
白頭在世無佳況
和淚頻題詠詞

漫興

立脚平生不妄遷少年狂簡志嚶然越越久誕
朱門苦醞藉偏知白屋便朝鼎粥溫甘飽飲夜
牀衾煖足安眠剩將此事吾將老免被黃埃上
白顛

撥憫

天地英雄逝關河虜氣橫遼陽移古戍闔左黔
新兵烏貢山川闊堯封草木腥東人無限淚西
望隔神京

聞西使兩行海路相繼不幸

萬里朝天使乘槎犯斗牛是非疑去路消息斷

來舟海登龍移窟天高層起樓多情精衛鳥含
水恨何休

二

未得浮槎信驚聞戰鼓喧萬方皆殺氣何處是
河源添送三冬戍虛招萬里魂傷和應此事無
路訴深冤

三

慟哭王師潰遼陽已漠南西瞻限霄漢南至關
朝參鴨綠兵危甚龍堆賊睡酣蒼天有老眼何
不在茲監

遺憤

廟筭終何出安危未易論
煙塵迷海岱豺虎吼
關門雪暗江河凍風高羽檄喧
王師無恙否努力整乾坤

二

胡虜三年盛天王四海尊
異時涵雨露今日負乾坤
薊樹風塵暗遼河雨雪昏
王師何日定奏凱入關門

輓金察訪

春龍

王母堂前聚戲時
凡年差長倚肩隨
尋常夢裏

蹤猶是六十年間事已非來往幾逢還幾別存
亡多感更多悲今朝南望無窮淚灑向蠻牋寄
輓詩

辛酉七月二十八日逢火盜家舍半火書
丹五百餘卷爲灰燼侍婢傷者六人幸無

死亡

下女愴忙叫入閣已聞羣盜夜踰垣初迴枕上
微酣起無奈鋒前衆睡昏爭點癢瘡披亂血走
攜呻痛慰驚魂幸無傷歿餘何問逮捕紛紜恐
或寬

二

潢池惡少是良民天賦初來本不貧只爲困窮
方有此且應安戢轉須親詩書散落將千卷棟
宇傾堆又一塵分付妻孥且無恨牛衣馬磨可
安身

三

口業區區只自友不圖今日喚偷兒閭閻倉卒
能投患婦子蒼黃幸免危休問青氈無長物尚
尋丹篆有餘資鄉人載酒來相慰醉起吟呼又
一時

無眠吟

是夜達曙無眠苦而述之

蝴蝶飛難著邯鄲路不通
衣衾寒似鐵蟻蟲撲
如蜂遠卷雞聲起寒更馬吃痛
林鴉知曙色啼
近屋簷東

遣憤

穎川豪傑紛紛起
東海單車去不來
駭獸驚禽無定所
天時人事不禁哀
貧風袞袞吹難歇
慾浪滔滔障未迴
堂陛卽今千萬里
白頭搔盡意悠哉

感古

悠悠今古事如何治日無多亂日多
守縣割分周七國邦人投入魯三家
天王尊貴誰能識霸道雄強各自誇
千載仲連心可見皎然明月出滄波

傷今

治亂無常奈數何軍州插羽簡書多
遼陽金鼓連三歲天下車書問一家
月冷關山邊土怨風高草木秋人誇
猶聞燕路人無事處處笙笳生幕波

二

官海津頭問幾何驚波駭浪溺人多生逢有道
難忘國自信無材且問家納復貧君猶是好乞
墉露醉未應誇何妨京洛無相問勲業從歸馬
伏波

三

漢帝當年不用何能令韓信辨多多頻恢羅網
收麟鳳焉得熊羆衛國家樹下將軍甘自屏沙
中諸子欲相誇空思五十年前事重譯來朝海
不波

四

呻吟不用學陰何報國平生一劍多天下何心
忘此賊域中今日定誰家五千夏楯難爲少百
萬秦鞭未易誇頭戴一天宜甯勉東溟不渴是
恩波

遼陽歌

遼陽城中胡馬嘶遼陽城外燕人稀遼陽殺人
亂如麻燕人有去皆無歸

二

轅門重觀熊老翁微爾今日人盡非老翁慎勿
如前人揚公袁公無一奇

遼陽壇漫一千里日日暗天煙塵飛遼陽日夕
胡歌發城外胡兒牧馬歸

四

黃沙戰骨無人收胡人譁笑燕人悲三年窖中
看羊人道路喧喧多是非

偶吟

牝牡馬知馬雌雄不識烏俱云予旦爽未見世
唐虞白首渾無賴丹心只自愚昇平如復觀且
可惡須臾

疊波字韻

懷人不見意如何海內情親住不多歧路危時
宜納復溪山好處可移家鶴長鳧短無相羨
少蚊多妄自誇牢臥一窻隨意老眼前須辦酒
如波

商陽隴上懷諸葛公次入韻

隴上年年禾黍稠百年牢臥敵封侯翠華不到
窮山裏不識人間有姓劉

二

亂世耕田本為躬草廬綠底動天戈若非饒舌

徐家子誰信曰翁是伏龍

三

芳心元不異行藏蘭到入知本自香師出祈山
巾幗走主人方寸是商陽

四

千秋莘野似隆中賢聖從來出處同當日幸逢
殷漢顧英雄虛老幾田翁

漫述

皇朝赫業歷年多天下車書正一家女直鑿山
朝有路越裳浮海歲無波漢庭斬馬山河在周

野眠牛世代賒狂虜區區無遠略暫時橫跳奈
天何

二

昨日逢人自洛來始聞天將斬奴迴喜多還懼
虛消息竟句中宵坐畫灰

村況

霜月荒村夜依山白屋寒風鳴歸鳥葉冰入臥
牛欄寂寞蛩音斷蕭條犬吠闌柴扉宜早閉
俗近來頑

孫兒戀母甚苦仍憶吾兄弟喪母時伯九

歲仲八歲妹五歲季四歲末妹生十月當
時哀哀之狀惱我先考心如何哀慟之至
揮淚而書

纔三十里渠猶苦早歲幽明我若何膝下哀哀
五男女異時何限惱先翁

輓柳君

戊春

閱世干戈共白頭聊爲同社宴春秋漸看席上
稀先酌無復沙頭喚勝遊居號孤山佳木石系
連文化盛源流兒孫入眼皆蘭玉餘慶門闌尚
未休

李義立自京來傳天兵與奴賊戰快捷奴
賊捲歸遼東恢復此說若然天下之福也
信疑交惱聊述雜體以寄望誠之意

昨日逢人自洛來傳道西方好消息天兵斷斬
紅螺戎遼陽荆棘重恢拓今年苦寒古未有莫
是殺氣掀坤軸 君玉庶幾無疾病老臣祇上
岡陵祝

次唐詩凱歌

日夕轅門召五戎將軍受脰下三宮天心已屬
擒胡月燕領何論萬里功

二

官軍萬騎騁皇蘭虜酒千鍾
禁塞空遺虜虜無
無假息五更城下豎降竿

三

山移海動欲班軍
天帝怡顏奏捷聞
道路歌鐘
喧白日山河旌旆卷黃雲

四

陣殿蕭蕭聽馬鳴
元戎出隊按蕃城
遺氓買犢
耕蒲海壯士投戈臥柳營

鄉執綱三員持酒來饋庠
堂將有講信之

會也有感述此擬謝

建堂序序豈徒然綱紀州閭在得賢物議且須
存月旦鄉規略可倣藍田將身幸脫干戈地把
酒相邀俎豆筵歸報座間諸父老感懷多緒寄
詩篇

苦寒下雨怪而書之

寒似今年據古稀楚江巫峽戀貂衣泉凝厚土
蛟龍縮風動疎林鳥雀飢萬里生雲飛慘悽崇
朝下雨灑霏微彼蒼迴斡人誰識銀漢堅冰一
夜漸

二

歲暮窮陰閉九垓凍天何處是春臺影寒水北
隨陽鴈花冷庭前過臘梅一丈堅冰曾罕見三
冬霪雨未應來天心自是憂寒極催著東君暖
律迴

風寒

罌肩顛寒聲殷九州玄冥盛怒起猙獰洞庭欲拔
魚龍吼秦岳將摧虎豹愁勢叶將軍擒頡利威
成黃帝戮蚩尤皇天老手終歸幻玉宇寥寥轉

斗牛

漫興

牢落窮村斷過尋
玄冬物色冷難禁
回風滾雪南郊迴
殘日霾雲列岫陰
毛暗蕭條羸馬臥
口含酸痛老婢吟
吏來盛怒催官稅
日夜春忙處處砧

二

山林誰道好春秋
喪亂安居久別區
官廨董輸星火急
塞門傳警羽書流
處堂燕雀能無懼
當路經綸倘有謀
一夜孤臣千里夢
五更蝴蝶向西州

輓申鳳鳴

同姓古所敦，況復居相連。袒免纔一世，分義非
偶然。兵餘幸脫免，相保到衰年。余時賦歸田，搢
遊頻上筵。七十尚康健，杯觴性所憐。每於酒席
上，解誦劉伶篇。酩酊扶曳還，兒孫滿眼前。家貧
不掛意，窮達委蒼天。有生如此過，便覺公爲賢。
縣勝逐名人，白首死窮邊。黃泉是故鄉，此行無
後先。輓牋無限淚，灑向青山顛。

梧峯先生文集卷五

梧峯先生文集卷六

記

遊清涼山錄寧城時

甲午秋九月初一日洪相國復祥為方伯按節之初過縣衙罷招見余曰聞縣有險阻可據子當往見形勢夫清涼吾所願遊而未得者余樂聞其語二日相國在安東送禪將康孝業付一牒與余俱往焉三日薈食康先發余與器仲聯轡由溫溪抵孤山訪琴文蘭秀琴文聞吾至候于舟遂沿泝于潭潭而西見退溪先生手題小



詩畱在崖石蓋爲琴文作也乃下舟攀崖而上
敬玩之筆跡昭然如昨下壁而南金沙玉礫淨
潔無塵不待茵席而坐酌數巡而罷蓋孤山清
涼之洞門也祝融之一支西出臨溪而盡溪水
出自黃池循于山之趾南注于福州卽洛川也
絕壁萬仞迤于溪東如屏卽祝融之盡頭也自
溪以西有曰孤山不甚高大其上種松數百株
築石爲臺爲道遙吟弄之所臺之下爲峭壁高
可數十仞與東壁氣脉相屬諺曰此昔爲一山
而溪流于孤山之外有龍劈出其中山割而爲

二一支落於西爲孤嶼者也壁之下有潭名倒影取孤山之影倒也孤山之南有東西兩岸皆蒼壁東者自祝融而南折而復西西者自乾芝而南折而復東曰內屏曰外屏合勢於日洞洞壑深邃其間有潭清瑩泓渟日月明也有村家可數十戶田數十頃幽閒寂真如龐德公居琴文作精舍數間背祝融面孤山臨清流俯長沙內外屏拱揖于此依巖而補之石爲臺有槐樹自生其上扶疎蒼鬱琴文以此爲藏修之地自今欲終老於此真得樂土矣種菊千叢種梅

百樹室中有退老詩縣壁又有書籍盈于閣出
寶帖二示余嘗聚先生平日往復書辭及製述
爲珍藏者蓋其長物如此入此飄然有遺世之
志矣遂與琴文乘舟遊于上流題名於東壁行
到五里許冒雨入村店康來待者久琴文與康
先人有年分問其名歡甚勸之酒至醉乃已時
山雨霏微石路崎嶇遂却馬騎牛頂笠肩簑緩
步徐行康在後笑曰騎牛俸何往人見之否至
洞口初見數峯偃蹇爲芙蓉松樾楓藤或結而
爲嵐或散而爲霏煙雲霞便覺清氣已逼人矣

至蓮臺寺下路傍有巖石斗起高五六丈上可
坐五六人余先登同行繼之使僮子摘山果坐
話良久到此得見山之真面目也入寺寺依巖
底甚不高壯居僧不滿數十有一僧先導名玄
則寺之南有蓮臺因與僧列坐問山之形勢僧
指寺之左曰金塔右曰蓮花寺之後曰僊鶴金
塔之後有擎日僊鶴之後有硯滴卓筆紫霄紫
鸞四峯蓮花之外有內丈人外丈人香爐三峯
或巖石高直或削立雙峙或石上戴土或峭壁
戴峭壁有攀崖緣棧而登者有危峻不可攀者

南有祝融雄蹲高峙其勢有若父於敬日丈人
祖於金塔蓮花而不與之爭其高峻者嘗於慎
齋錄中領其大槩今身親歷見奇形異狀氣象
萬千巖崖草木意態無窮暫時遊玩已覺此身
御得清冷之風矣余偶詠千仞崗頭一振衣之
句與器仲分韻覓句康醉而言曰我武士然此
間豈無一言又有夸張自己之語琴丈責其愚
康頗有慚色徑起入寢次琴文繼之余與器仲
最後乘昏入智藏殿寺古僧孱不甚瀟灑然此
物久為塵務束縛今者得與山人作半日之閒

聊可以消遣煩憫矣器仲困睡余獨坐與諸僧
語諸僧爭持詩軸來示軸中有退陶詩數篇有
鶴老詩累首又有達遠詩嗚呼退陶吾所敬慕
而願學者鶴老吾所師事而今化爲古人達遠
吾益友也畏友也與余相好甚篤者也嘗與余
約遊於此未果兵禍起而卒之逝領見軸中諸
作令人有起敬者有嗟歎者終之以感慨者後
之覽者亦將有感於斯文想一撥也有僧名一
勳知我氣疲思睡作椒茶來饋快喫一椀心神
豁然又有僧名戒聖嘗往來于佳野金上舍公

塘一齋門墻余學于上舍公時見渠渠記我而我忘渠渠在佳野未二十年其間存歿不知其幾吾與器仲見渠於山中亦數也閒寂無聊披見佛經有曰水陸無遮會文者荒誕奇怪不滿一哂金姓守溫名者不知何許人考其職則文翰之禁也至於跋其後而論於佛儒名而墨行有如是邪此吾道之罪人也四日又雨康早起促圖山形畫手甚拙形勢不肖極好笑也邑人傳曰古有王者國於山中為據險避敵之地今城郭俱存往往頽圯祝融有宮闕基破瓦毀壁

或露於叢薄之中又有御井六部之設各有其地有曰南大門有曰水口門其跡昭然猶在祝融有高峯其狀如露積賊至以藁薦蓋其上給之曰此軍資賊畏而不敢近至東峴而退故名東峴曰退峴也蓋不載史籍不可考未知何代何王避何寇而託于此也東方古無君長以數州之地盜名字者不可勝數當是時人以兵革為事戰伐相尋殆無虛日不先據險則未得一日保其不亡是故東國諸山稍有地利者皆為國都焉意者此其事歟抑又思之鰈域東鄰海

寇北接山夷西有撻虜為我國患古矣在三韓
時三邊為賊窟穴殺伐戰爭莫之為禦而據險
者多見其功意者此其事歟自王氏定一之後
民得奠居至于我朝二百年間斯民至於老
死不知兵革四時嬉遊歌鼓之聲相聞指點山
之有城郭者時有怪而笑之者今者島夷構禍
一朝加兵金城湯池舉失其險其終至以修築
山城為急務披荆棘於高山之上欲踵前武於
無稽之世其於廟筭得之否也蓋世有足恃者
而不在乎山之夷險此不待智者而後知然而

計出於此勢也悲夫悲夫康先還時山雨初晴
日色明媚與同行杖策信步路金塔之腰歷見
五六庵有曰致遠庵崔孤雲讀書地也有曰聰
明水孤雲飲此水而養聰明云蓋孤雲神僊中
人未必不一過于此山而讀書養聰明之事真
應具不足辨也器仲指其水曰當飲飲則令人聰
明余曰男子自有耳目聰明何必飲此水然後
耳有聞目有見也哉有曰安中庵有小塑像老
嫗其號曰安中因以名庵有鑄鐵為牛為耒耜
列置其前僧曰安中為孤雲而飯之為軍資而

耕之蓋飯孤雲之說未必信而勸人耕種補國
計於當日則揆諸理亦然後人美之爲佛而祀
之此出於上古崇信釋教之時歟東轉而下有
日上清涼下清涼克一諸庵皆無居僧棟宇門
墻傾圮頽落琴文曰吾少時讀書於此三年云
矣蓋山有十二峯峯有二十四庵各有奇態異
狀必倚杖於硯滴峯頭振衣於祝融南巔高臥
於滿月白雲等庵然後方可窮探奇詭收拾景
致清我耳目寬我胸臆一想夫子小魯小天下
之氣像於千載之下矣世故忙迫未暇周遊出

山心事悄然余顧謂器仲曰吾懷不佳器仲曰
余亦然昔文定過衡山而不得登覽晦庵至臨
邛而未暇周遊雖有古今賢愚之不同而其當
時不遑之念則想與我一也日晚復投孤山琴
丈先還余與器仲追至是日漁艇又解結雙舟
泛于潭夕陽明朗山水佳麗俄而雨腳如麻或
驟或徐亂落于潭却簑脫帽一任霑濕酌村酒
羅山果遊詠夜深乘醉入精舍相與枕藉夜半
江風起波聲亂鳴近窻此亦奇事也琴文點燈
呼余起俾有小甕酒初熟使僮子就斟或深或

淺隨量而飲使漁人捉魚或烹或醃繼之以棗
栗真神僊風味也微酣出書丹披覽其中有琴
丈亡子恪少時所爲文其才不可及惜乎不幸
早死也五日早起天氣清明日光滿潭恍然如
在水晶域其勝尤佳嗚呼此何等時吾輩何許
人舉目有江河之異無復有山林之興人徒知
吾愛山水之好而不知吾到勝地而增感懷也
琴文雖未得忘于世而既有此地併有此樂與
吾折腰於鄉里小兒而不知恥者得失何居也
琴文與器伸送我于舟上大抵中國名山非一

而有問山之令人起敬者則曰衡山曰廬山焉
有南軒晦庵二先生嘗遊賞於二山而發揮也
東國名山非一而有山之令人起敬者則曰濟
涼為有退溪先生居其下平生所嘗往來遊賞
也千巖萬壑尚帶杖履之遺跡一草一木無非
吟弄之餘輝望十二峯有卓乎不可及者有凜
然不可犯者有磅礴雄偉可依而歸者有端莊
嚴毅可仰而敬者其峭峻使懦者立其清涼使
貪者廉然則余之愛清涼不但愛一山而已古
人有言曰水不在深有龍則靈山不在高有僊

則名信不誣矣余自少遊學于未嘉欲一遊而
未遂者五年還歸聞韶相去益遠一十年間汨
沒於舉業未久筮仕京洛又被浮名繫縛夢寐
之間時有往來于山者辛卯秋余剖符宣城山
雖在安東實爲禮安地故人號禮安曰山水縣
到縣四年戎務崇之每於室中心語口日余無
山水之分今雖辦一日之遊奈不愜意何嗟乎
枲米此身未生於中國旣不得舉藍輿於衡廬
生於東國也晚又不得承餘馥於清涼歸來今
日已後山頽之三十年矣撲愚迂野俵張何歸

風塵浩蕩事業蹉跎私淑之志又已非矣清涼
得無感於余心乎此行與器仲唱酬者若干篇併
錄以備後記見詩集但其意味殊不快豈忙裏意
思局束而然也菊秋日書

月影臺記臺在
山

方丈一支落而東走三百里蜿蜒磅礴雄峙而
鎮于合浦之西南者斗尺山也南海之水入於
兩崖之間將三十里而朝于昌之境者馬山浦
也山而東南其麓浦而西北其涯臺於其中高
可數尺大可坐三十餘人中有碑字訛而不可

認下有立石書月影臺三字登臺而望之則斗
尺之盤旋盤龍之料峭及熊之諸山筍聳簪抽
螺髻蛾眉者皆若拱揖而猶島秀出乎鏡面如
奇獸之臥政與臺相對崔學士孤雲遊賞地也
癸丑之歲余蒙 恩假守會昌時九月既望與
數三友生泛舟南浦遵海而臺飽觀乃迴翌年
秋豚兒繼是遊錄其事而告余曰昨之登是臺
也片雲無礙天光若掃微風不興水色如磨俄
而桂魄纔露於東岑而萬丈銀梯落於波中亘
於臺之下令人超然欲飛登而直抵於廣寒殿

也奇形異彩稍稍而變如河神散明珠而弄輝
如鮫人鋪文綃而戲彩如列宿之鬪焉如急電
之揮焉如金蛇亂掣焉如玉龍驚走焉如僂掌
轟轟焉如寶塔層層焉壘壘如嬰瓦焉疊疊如甃
焉如珙焉如璧焉俄頃之間萬狀千態蓋於東
南西海之涯邀月遊賞之地多而其勝見奇觀
如此臺則未嘗有也臺之以月影名其以是數
余演其義而曉之曰汝亦知夫水與月乎水之
性虛虛故能容月之性明明故能映其虛也其
明也互爲體用容月之明而明者以之益明映

水之虛而虛者以之益虛上下瑩澈萬象森羅
方其動也波光鱗鱗月色閃閃散為萬殊隨應
而變或沈或浮浩漫難狀及其靜也千頃洋洋
一輪團團而虛與明依舊也余於是知孤雲非
役於物者也蒼然淵然之文粲然偉然之詞揮
灑而波瀾不竭咳唾而光彩無窮則孤雲能水
月其文章者歟出而行乎天下也其志遠而人
不敢測其涯涘入而處乎林下也其行潔而人
不敢指其瑕疵則孤雲能水月其出處者歟至
今千載之下吟賞綠水青山之句而想其蹤跡

思其曾次無一點渣滓之累無一毫塵埃之吝
浩浩乎濯濯乎不可尚已然則孤雲蓋嘗水月
其心性而全其虛與明者歟試使孤雲得明主
遇明時推其虛與明而行之則或能水月其君
心水月其時政國家可使爲水月天下可使爲
水月而時則唐室殆矣羅業末矣晦盲否塞極
矣其終不遇而鐘彩韜光自保其性命如水月
之遇夜而自保其虛明則孤雲於是臺其相遇
非偶然而已也嗚呼前乎孤雲幾千萬歲後乎
孤雲又不知其幾歲是臺也爲荒草爲野田者

幾時爲蜃戶爲蜺窟者幾時桑田者幾時海水
者幾時騷人墨客之來遊者幾人行商逆旅之
經過者幾人星槎皂蓋之歌鼓盃盤于良辰勝
節者幾人而臺之遇於人也只有一孤雲則其
使之相遇者疑亦有數存於其間而非人所能
也雖然水而猶在月而猶在臺而猶在孤雲雖
不在而孤雲之所以能爲孤雲者猶在也登是
臺者知此然後方可與語於月影而人與臺遇
矣不然以水觀水以月觀月或酩酊捉影如李
白之采石而已窈窕歌詩如蘇仙之赤壁而已

則非孤雲之徒也。諺曰：孤雲之文宰文昌而孤雲生於郡，長於郡，築是臺而遊詠語雖無徵而幼年立腳則未必非從父來郡之日。而平生得力之地，其在是臺歟？汝從我遊適與相類，記此說。勉汝學爲孤雲於萬一。去月日記。

序

檜山雜詠序

歲癸丑余來守昌原。昌原古義昌，檜原縣二邑合爲府一也。昔元世祖時詔洪茶丘與金方慶東征日本，置省開府于合浦縣，在府十里許。卽

節度營今營移設而太守假居爲治也曩者日本兵入國設屯于馬山浦緣山而池截谿而城在府治相望之地太守之坐南閣登東館也每目之而痛焉蓋古雄藩也兵後城郭崩頽村巷蕭條貿貿之吏蚩蚩之氓分於水陸營之間雜於屯募軍之列吁邑有錯節之艱人無晷半之能每簿牒之暇孤坐發嘯悅仰今古有感有悲烏鵲亂耳煙瘴侵肌意思闌跚形神寂寞於是去國違鄉之戀傷時悼物之志觸目而生自不能禁間有明舊親戚之來狂喜驚倒遂

把酒論懷或至酣樂令彈琴擊鼓笛以間之且
歌且舞歡洽乃已蓋天涯邂逅情義則然旣罷
歡娛轉覺蕭瑟聚散無常去留有期送別之恨
有黯然不已時或泛舟滄溟縱觀島嶼興盡歸
來或暮或夜日影斜而躍金月色登而沈璧清
風徐徐水波鱗鱗沿沂徘徊縱其所如暢敘幽
情恍然與人世相遠於是有憑虛御風遺世獨
立之意又若古臺殘碑訪孤雲之遊跡蒼谿小
屋想寒岡之幽期梅竹成行起揚州之吟興斗
米見羈鬱彭澤之歸思蓋感於中者非一吁嗟

詠歎之餘發於詞句之間有不能止者矣嗚呼
性情發而為詩詩固不可苟焉而已況余不文
尤拙於詞平居固未嘗以吟綴為事自有此行
來或有感而寓懷或無聊而排悶或因韻而和
或遇興而記託以憂歎之意雜以寬縱之思逐
日吟惱有若業詩者然蓋自敘自慰終欲以自
寬耳何敢輿論於性情之發而思欲與風人相
逐哉異時儻為子孫觀亦不能無補於念我之
切而為爾輩孝思之資或者可錄令舍弟家照
收而寫之一冊備後日記

梧峯先生集卷六